

Muesch Nit

1. Strophe

Ich mach der kei vorwürf ich will numme abrächne
Alles was vo dir no an mir haftet abwäsche
So lang ischs nit här dass mi nüm würd beriehre
Doch d johr wärde älter dä schlusspunkt muess gniese

Ich seh di no vor mir wied fascht blind bisch wägem lache
Dr rahm hesch vo der glasse amne ohr und beide backe
Du putzisch alles wäg und versuechsch bös z luege
Es glingt dir nit im gringschte und vor lache muesch grad hueschte

Mer lön s velo lo ligge und mr ligge beidi uff d wiese
Und läbe unser läbe wies grad isch und sin scho z friede
Mir sin no lang blibe hän gredet und gschwiege
Dr platz erst verlo wo die erste stärke erschiene

schrift vo uns halle unter strosse latärne
über de gasse vor altstadt dr mond in der färni
D umgäbig isch wie leer gfägg und s bild melancholisch
Verschwände jetz kei silbe me well rede stille tot isch

Verbie an dem platz vo unsrer erschte begegnig
An däm tag im winter wo s erschte moll schnee liggt
Du mit dim warme mantel grüschtet für e sturmfluet
Und ich bi mer blöd vorko in mine wisse turnschue

Witter dure park verbie am grosse dorne busch
Womer grennt sin ufe tram und du di ring verlore hesch
Trotz der hilf vom alte maa hen mir ihn nit gfunde
Wenn en sithär niemerts gsuecht het liggt er hütte no döt unde

All das isch verbie und ich trägs immer mit mir umme
Obwohl ich's garnit will sin mir doch immerno verbunde
E intensivi zit doch du schaffsch es das z verringere
Denn d art wie unsri bande risst verbittret die erinnerige

Refrain 2x

Weisch muesch nit fair sie muesch nit
Nit fair und nit ehrlich und beides bisch nit
Wasd muesch uff di lose machsch nit und du blibsch wie du bisch
Bisch nit ehrlich zu dir au zu mir bisches nit

2. Strophe

Ich ha afo merke dass dis liecht mini auge bländet
und ha d auge gsänkt well i ha gmeint dass das ändert
doch s liecht isch nit schwächer worde numme intensiver
und d stärki vom liecht goht jetz einhär mit zwiefel

denn uff eimoll wird's ganz still jetz bi unsre beegnig
E ganz e anderi stilli als suscht bim nüt rede
Ich merk das was isch doch du seisch nüt und lachsch nur
Betörsch mit dim charme und ich trottet ich acht druff

Khör denn vo andere ich sig für dich jo nur e accessoir
Nützlich und lebändig zwar aber so au usstuschbar
So wichtig heigsch es nie gno dis verhalte liggt im rahme
Ha s gefühl dasi nüm im bild bi und fühl mi überfahre

Wenn das stimmt wieso mäldisch dich bi mir die ganzi zit
Well du weisch ich chläb an dir wie amne verdammte prit
Du machsch alles um mich bi lune z halte wie imne theater
Und ich ha nun mal itrutt zahlt weiss nit was mich erwartet

Nutzisch uss dassi ehrlich bi und säg wasd mir bedütisch
Spielsch di rolle bis zur perfektion und ohni rücksicht
Spielsch mis drama grinsend und s publikum het ächt not
„S Fräulein het es rächt druff dass es andre schlächt goht“

ich ha d nase langsam voll vo de kostüm uns sälbstarstellig
hesch s gefühl du kriegsch applaus und e bluemestruss du heldin?
Gratulier zu diner dämlichkeit au wenn's velicht z spot kunnt
Doch dasses di interessiert würd wär jo sowieso es novum

Weiss dänk sälber bi nit objektiv was dänksch denn du
Ha au kei grächtigkeits nobälpris sondern e wuet im buch
Und die hani jetzt verdaut und zwar während em schriebe
Du bisch duss us mi läbe und wirsch es au bliebe

Refrain 2x